

CYNGOR SIR YNYS MÔN

Templed Adroddiad Sgriwtini

Pwyllgor:	Pwyllgor Sgriwtini Partneriaeth ac Adfywio
Dyddiad:	24 Hydref 2019
Pwnc:	Craffu ar Bartneriaethau
Pwrpas yr Adroddiad:	1. Cyflwyno trosolwg o'r gwaith a gyflawnwyd gan y Pwyllgor rhwng Mehefin, 2018 a Mai, 2019 2. Ystyried blaen raglen waith y Pwyllgor ar gyfer gweddill 2019/20
Cadeirydd Sgriwtini:	Cyng. Gwilym Owen Jones
Aelod(au) Portffolio:	Cyng. Dafydd Rhys Thomas, Aelod Portffolio ar gyfer y Gwasanaethau Corfforaethol
Pennaeth Gwasanaeth:	Annwen Morgan, Prif Weithredwr
Awdur yr Adroddiad:	Anwen Davies, Rheolwr Sgriwtini
Rhif Ffôn:	01248 752578
E-bost:	AnwenDavies@ynysmon.gov.uk
Aelodau lleol:	Amherthnasol

1 – Argymhelliad/ion

Gofynnir i'r Pwyllgor Sgriwtini Partneriaeth ac Adfywio nodi a chefnogi:

A1 Y gwaith craffu ar bartneriaethau allweddol a gyflawnwyd yn ystod 2018/19 (**Atodiad 1**)

A2 Y partneriaethau y bwriedir rhoi blaenoriaeth iddynt yn rhaglen waith y Pwyllgor dros y 18 mis nesaf (paragraff 5.10 yr adroddiad)

A3 Y camau nesaf arfaethedig y manylir arnynt ym mharagraff 5.11 yr adroddiad.

2 – Cyswllt efo Cynllun y Cyngor / Blaenoriaethau Corfforaethol Arall

Bydd y ffrwd waith hon yn gwneud cyfraniad sylweddol i un o brif themâu Cynllun y Cyngor 2017/2022 sef – “Y thema allweddol sy'n rhedeg trwy'r cynllun yw ein huchelgais i weithio â phobl Ynys Môn, ein cymunedau a'n partneriaid er mwyn sicrhau gwasanaethau o safon uchel a fydd yn gwella ansawdd bywyd i bawb ar yr Ynys”.

3 – Egwyddorion Fel Canllaw ar gyfer Sgriwtini

Er mwyn cynorthwyo Aelodau wrth graffu ar y pwnc:-

3.1 Effaith mae'r eitem yn ei chael ar unigolion a chymunedau [**ffocws ar y cwsmer/dinesydd**]

3.2 Edrych ar effeithlonrwydd ac effeithiolrwydd unrhyw newid arfaethedig – yn ariannol ac o ran ansawdd [**ffocws ar werth**]

3.3 Edrych ar unrhyw risgiau [**ffocws ar risg**]

3.4 Craffu'n cymryd rôl rheoli perfformiad neu warantu ansawdd [**ffocws ar berfformiad ac ansawdd**]

3.5 Edrych ar gynlluniau a chynigion o safbwynt:

- hirdymor
- atal
- integreiddio
- cydweithio
- cynnwys

[ffocws ar lesiant]

4 - Cwestiynau Sgrwtini Allweddol

1. A yw'r partneriaethau a nodwyd i'w cynnwys yn y flaen raglen waith (paragraff 5.10) yn cynrychioli cydbwysedd teg o bartneriaethau allweddol y Cyngor?
2. A yw'r Pwyllgor yn fodlon bod yr adroddiad yn gosod sylfaen gadarn i'r flaen raglen waith yn ystod 2019/20 a thu hwnt?
3. A oes gan y Pwyllgor unrhyw farn ynghylch blaenoriaethu partneriaethau i graffu arnynt?
4. Sut mae'r dull sy'n esblygu o graffu'n drawsbynciol ar bartneriaethau yn cydymffurfio â'r agenda Llesiant Cenedlaethau'r Dyfodol?

5 – Cefndir / Cyd-destun

CEFNDIR

5.1 Sgrwtini Trawsbynciol: mae gwaith partneriaeth yn enghraifft o fater trawsbynciol. Rhagwelir y bydd y Mesur Llywodraeth Leol (y disgwylir iddo gael ei gyhoeddi yn yr Hydref) yn rhoi mwy o bwyslais ar gydweithio a phartneriaethau ac felly mae'r ffordd hon o weithio'n debygol o gynyddu yn lleol ac yn rhanbarthol. Yn ogystal, disgwylir i'r Mesur ddarparu canllawiau cenedlaethol ar graffu ar y cyd¹. Mae ein strwythur sgrwtini lleol wedi esblygu dros y blynyddoedd diwethaf i gynnwys pwyllgor sgrwtini partneriaethau dynodedig sy'n rhoi llwyfan i graffu ar faterion trawsbynciol, thematig. Ystyrir bod y dull hwn yn arfer dda.

5.2 Mae gweithio mewn partneriaeth wedi dod yn rhan bwysig o arferion gwaith yr Awdurdod, gan gryfhau capasiti'r Awdurdod i ddarparu gwasanaethau. Er y gall manteision sylweddol ddeillio o waith partneriaeth, megis ymateb i heriau cymhleth, cynnig hyblygrwydd ac adnoddau ychwanegol er mwyn darparu gwasanaethau, nid yw'n broses bob amser heb ei heriau a gall greu risgiau sylweddol, yn arbennig o ran cynaliadwyedd a chost effeithiolrwydd. Mae nifer o sylwadau yn ystod y blynyddoedd diwethaf² wedi tynnu sylw at yr angen i wella a chryfhau trefniadau craffu ar bartneriaethau mewn gwasanaethau cyhoeddus.

5.3 Deddf Llesiant Cenedlaethau'r Dyfodol (Cymru) 2015: Mae Deddf Llesiant Cenedlaethau'r Dyfodol (Cymru) 2015 yn tanlinellu'r angen i gryfhau craffu ar

¹ Mae craffu ar y cyd (a elwir weithiau'n sgrwtini cydweithredol) yn cyfeirio at unrhyw drefniant ffurfiol neu anffurfiol sy'n dod â chraffwyr o wahanol sefydliadau at ei gilydd er mwyn cyflawni rhywbeth na fyddai modd ei gyflawni mewn unrhyw ffordd arall. Gall sgrwtini ar y cyd fod yn bwyllgor ffurfiol, yn grŵp cydlynnydd, yn grŵp tasg a gorffen anffurfiol neu'n amwydd ar unrhyw un o'r rhain. Gall ddod â chynghorwyr sgrwtini o ddau neu ragor o gynghorau at ei gilydd gyda chraffwyr anweithredol o gyrff cyhoeddus eraill. Gall sgrwtini ar y cyd fod yn gyfuniad o'r trefniadau hyn

² Y Comisiwn ar Lywodraethu a Darparu Gwasanaethau Cyhoeddus (Llywodraeth Cymru, Ionawr 2014), Canllawiau ar gyfer Pwyllgorau Craffu Awdurdodau Lleol ar graffu ar Fyrddau Gwasanaethau Cyhoeddus (Awst, 2017) a Cryfhau Llywodraeth Leol: Cyflawni dros ein Pobl (Mawrth, 2018)

bartneriaethau ymhellach. Mae'r Ddeddf yn rhoi lle blaenllaw i gynaliadwyedd tymor hir yn y modd y mae gwasanaethau cyhoeddus yn cael eu dylunio a'u cyflwyno, ac yn rhoi pwyslais ar gyrff cyhoeddus yn gweithio mewn partneriaeth er mwyn sicrhau gwell canlyniadau nawr ac yn y dyfodol. Dylai ein trefniadau lleol hefyd ddatblygu mewn modd sy'n dangos ymrwymiad i Egwyddor Datblygu Cynaliadwy y Ddeddf Llesiant. Golyga hyn: *"Weithredu mewn modd sy'n ceisio sicrhau bod anghenion y presennol yn cael eu diwallu heb beryglu gallu cenedlaethau'r dyfodol i ddiwallu eu hanghenion hwythau..."*

O ganlyniad, dylai trefniadau cadarn i fonitro a chraffu ar ein gwaith partneriaeth ychwanegu gwerth i'n gwaith partneriaeth yn lleol.

CYD-DESTUN

5.4 Mae gan Gyngor Sir Ynys Môn brofiad helaeth o weithio mewn partneriaeth, boed ar lefel leol, rhanbarthol neu genedlaethol³. Gyda mwy o bwysau ar y pwrs cyhoeddus, mae gan y Cyngor ganllawiau clir mewn lle i benderfynu pryd i sefydlu partneriaethau, pa wasanaeth(au) a'r canlyniadau a ddisgwylir ganddynt ac ar gyfer rheoli'r berthynas yn gadarn er mwyn:

- Ein galluogi i gyflawni Cynllun y Cyngor a'n blaenoriaethau strategol. Hefyd, gwella profiadau a chanlyniadau unigolion sy'n defnyddio ein gwasanaethau
- Rhoi tystiolaeth o werth am arian neu gost effeithlonrwydd wrth fuddsoddi yn y dyfodol a sicrhau canlyniadau clir a mesuradwy
- Ymateb i risgiau mewn perthynas â phartneriaethau a sicrhau fod meysydd i'w datblygu'n cael sylw
- Cael eglurder ynghylch atebolrwydd a threfniadau monitro
- Nodi unrhyw le y gellir rhesymoli partneriaethau a sicrhau gweithdrefn glir ar gyfer dod ag unrhyw drefniadau i ben.

Mae'r maes gwaith hwn yn canolbwyntio ar bartneriaethau lle mae'r Cyngor yn dewis gweithio gyda sefydliadau eraill yn y sector preifat, cyhoeddus neu wirfoddol. Nid yw'n cynnwys cysylltiadau a wneir drwy'r broses gaffael⁴.

5.5 Ar 14 Mawrth 2016, cymeradwyodd y Pwyllgor Gwaith ddogfen Bolisi Partneriaethau Corfforaethol fel sylfaen i'n gwaith partneriaeth ac fel fframwaith hefyd i lywio trefniadau monitro partneriaeth. Yn y polisi, diffinnir partneriaeth fel:

"Trefniant cydweithio lle mae'r partneriaid yn gyrff annibynnol, yn cytuno i gydweithio i gyrraedd nod cyffredin o wydnwch cymunedol ac i gyflawni hynny, yn creu strwythur neu broses sefydliadol a rhaglen y cytunwyd arni."

CRAFFU AR BARTNERIAETHAU

5.6 Dylai un o amcanion allweddol craffu ar bartneriaethau ganolbwyntio ar herio'n adeiladol a rhoi cyfle i ddysgu ac hunan-fyfyrion yn hytrach na dal i gyfrif yn unig⁵.

³ Adroddiad Gwella Blynnyddol 2014/15 (yn ymgorffori'r Adroddiad Asesiad Corfforaethol 2015), Swyddfa Archwilio Cymru, Rhagfyr 2015

⁴ Amgylchiadau pan fyddai'r Cyngor yn rhoi cyfle i nifer o sefydliadau neu unigolion ddarparu eu gwasanaethau at ddiben penodol drwy broses gystadleuol gyda'r Cyngor yn dewis un darparwr ac yn cadarnhau'r trefniadau drwy gytundeb

⁵ Canllawiau ar gyfer Pwyllgorau Craffu Awdurdodau Lleol ar graffu ar Fyrddau Gwasanaethau Cyhoeddus (Llywodraeth Cymru, Awst 2017)

5.7 Nodweddion craffu'n effeithiol ar bartneriaethau: mae ymchwil cenedlaethol wedi nodi fod trefniadau craffu ar bartneriaethau'n effeithiol pan fo'r nodweddion canlynol mewn lle:

- Mae sgrwtini yn "ffrind beirniadol" ar gyfer hyrwyddo cydweithio
- Mae Aelodau yn monitro perfformiad fel rhan o'u rôl o arwain yn y gymuned (o safbwynt y dinesydd)
- Ffordd o asesu cymhlethdodau gweithio mewn partneriaeth
- Canolbwyntio ar wella trefniadau partneriaeth a sicrhau'r canlyniadau cywir ar gyfer dinasyddion
- Dal Aelodau sy'n eistedd ar bartneriaethau allweddol i gyfrif.

DATGANIAD SEFYLLFA

5.8 Cofrestr Partneriaethau Corfforaethol: mae'r Cyngor yn cynnal Cofrestr o'r holl bartneriaethau allweddol ac mae'n cael ei hadolygu'n rheolaidd.

5.9 Mae cyfrifoldebau'r Pwyllgor hwn yn cynnwys trefniadau partneriaeth lleol a rhanbarthol. Mae crynodeb o'r partneriaethau y bu i'r Pwyllgor hwn graffu arnynt yn ystod 2018/19 yn **Atodiad 1**.

5.10 Blaen Raglen Waith 2019/20: rhaid parhau i reoli'r dasg o graffu ar bartneriaethau, gan ganolbwyntio ar bartneriaethau strategol allweddol sy'n galluogi'r Cyngor i gyflawni ei amcanion a'i flaenoriaethau. Er mwyn ychwanegu gwerth, rhaid i'n trefniadau ar gyfer craffu ar bartneriaethau barhau i fod yn amserol ac yn gymesur. O ganlyniad, argymhellir bod blaen raglen waith y Pwyllgor hwn yn rhoi blaenoriaeth i gydbwysedd priodol o bartneriaethau statudol, partneriaid allweddol mae'r Cyngor yn gweithio â nhw a chyrff eraill (darparu gwasanaeth), yn cynnwys y canlynol:

Enw'r Bartneriaeth	Aelod / Swyddog Arweiniol	Ffocws Sgrwtini	Amserlen	Mater Thematig Trawsbynciol
Partneriaethau Statudol				
Bwrdd Gwasanaethau Cyhoeddus (BGC)	Cyng. Llinos Medi Huws Prif Weithredwr	Trefniadau llywodraethiant a strwythur cyflawni	Craffu ar lywodraethiant a strwythur cyflawni'r BGC - 12 Tachwedd 2019	Llesiant Nodir y disgwyliad cenedlaethol yng nghanllawiau Llywodraeth Cymru ⁶
		Cynllun Llesiant – craffu ar gyflawniad hyd yma	Craffu ar gynnydd wrth gyflawni'r Cynllun Llesiant - 10 Mawrth, 2020	
		Adroddiad Blynnyddol y BGC – craffu ar gyflawniadau'r flwyddyn flaenorol /	Craffu ar Adroddiad Blynnyddol y	

⁶ Canllawiau ar gyfer Pwyllgorau Craffu Awdurdodau Lleol ar graffu ar Fyrddau Gwasanaethau Cyhoeddus (Awst, 2017)

		herio blaenoriaethau ar gyfer y dyfodol	BGC – Mehefin, 2020	
Partneriaeth Diogelwch Cymunedol (PDC)	Cyng. Alun Mummery Dirprwy Brif Weithredwr	Craffu ar waith partneriaeth drwy Adroddiad Blynyddol y Bartneriaeth Diogelwch Cymunedol (yn hytrach na gwaith y cyrff unigol) drwy: - Graffu ar gyflawniadau'r flwyddyn flaenorol - Herio blaenoriaethau ar gyfer y dyfodol	12 Tachwedd, 2019	Diogelwch Cymunedol Sicrhau bod y Bartneriaeth yn cyflawni ei dyletswyddau o dan Adran 19 a 20, Deddf Cyfiawnder Troseddol a Heddlu 2006
Bwrdd Diogelu Gogledd Cymru	Cyng. Llinos Medi Huws Cyfarwyddwr Statudol y Gwasanaethau Cymdeithasol	Craffu ar drefniadau llywodraethiant, cyflawniad a pherfformiad y trefniadau rhanbarthol	4 Chwefror, 2020	Llesiant Deddf Gwasanaethau Cymdeithasol a Llesiant (Cymru) 2014
Bwrdd Partneriaeth Gogledd Cymru (Iechyd a Gwasanaethau Cymdeithasol) (Rhan 9)	Cyng. Llinos Medi Huws Cyfarwyddwr Statudol y Gwasanaethau Cymdeithasol	Adroddiad blynyddol y Bwrdd Partneriaeth Rhanbarthol: - Craffu ar gyflawniadau'r flwyddyn flaenorol - Herio blaenoriaethau ar gyfer y flwyddyn nesaf	11 Gorffennaf, 2019	Llesiant Rhan 9, Deddf Gwasanaethau Cymdeithasol a Llesiant (Cymru) 2014
Partneriaid allweddol mae'r Cyngor yn gweithio â nhw				
Gwaith partneriaeth lleol – Bwrdd Iechyd Prifysgol Betsi Cadwaladr	Cyfarwyddwr Statudol y Gwasanaethau Cymdeithasol	Craffu ar y gwaith partneriaeth lleol gyda'r Bwrdd Iechyd	10 Mawrth, 2020	Llesiant Aelod statudol o'r Bwrdd Gwasanaethau Cyhoeddus (Deddf Llesiant Cenedlaethau'r dyfodol 2015)
Gwasanaeth Tân ac Achub Gogledd Cymru	Cyng. Eric Wyn Jones, Richard Griffiths, Dylan Rees Dirprwy Brif Weithredwr	Craffu ar waith partneriaeth lleol gyda'r Gwasanaeth Tân ac Achub	4 Chwefror, 2020	Diogelwch Cymunedol Aelod statudol o'r Bwrdd Gwasanaethau Cyhoeddus (Deddf Llesiant Cenedlaethau'r dyfodol 2015)
Cyfoeth Naturiol Cymru	Pennaeth Priffyrdd, Gwastraff ac Eiddo	Craffu ar waith partneriaeth lleol gyda Chyfoeth Naturiol Cymru	I'w gadarnhau	Aelod statudol o'r Bwrdd Gwasanaethau Cyhoeddus (Deddf Llesiant Cenedlaethau'r dyfodol 2015)
Comisiynydd Heddlu a	Cyng. Dylan Rees	Craffu ar waith partneriaeth lleol gyda	4 Chwefror, 2020	Diogelwch Cymunedol

Throsedd Gogledd Cymru / Heddlu Gogledd Cymru	Dirprwy Brif Weithredwr	Heddlu Gogledd Cymru		Mae'r Comisiynydd Heddlu a Throsedd yn monitro sut mae'r Heddlu ac eraill yn gweithredu'r Cynllun Heddlu a Throsedd 2017/2021 Aelod o'r BGC (Deddf Llesiant Cenedlaethau'r Dyfodol 2015)
Medrwn Môn	Cyng. Llinos Medi Huws Dirprwy Brif Weithredwr	Adroddiad blynyddol y sefydliad: - Trefniadau llywodraethiant yn cynnwys trefniadau rheoli risg - Craffu ar gyflawniadau'r flwyddyn flaenorol - Herio blaenoriaethau ar gyfer y flwyddyn i ddod	I'w gadarnhau	Gwydnwch Cymunedol
Menter Môn	Cyng. Ieuan Williams Dirprwy Brif Weithredwr	Adroddiad blynyddol y sefydliad: - Trefniadau llywodraethiant yn cynnwys trefniadau rheoli risg - Craffu ar gyflawniadau'r flwyddyn flaenorol - Herio blaenoriaethau ar gyfer y flwyddyn i ddod	I'w gadarnhau	Gwydnwch Cymunedol
Ymddiriedolaeth GIG Gwasanaeth Ambiwylans Cymru	Dirprwy Brif Weithredwr	Craffu ar waith partneriaeth lleol gydag Ymddiriedolaeth Gwasanaethau Ambiwylans Cymru	I'w gadarnhau	Diogelwch Cymunedol Aelod o'r Bwrdd Gwasanaethau Cyhoeddus (Deddf Llesiant Cenedlaethau'r Dyfodol 2015)
Cyrff eraill (darparu gwasanaeth)				
Partneriaeth Anghenion Dysgu Ychwanegol a Chynhwysiad	Cyng R Meirion Jones Cyfarwddwr Addysg,	Adroddiad cynnydd i graffu ar: Gyflawniad a pherfformiad	13 Mehefin a 12 Tachwedd, 2019	Addysg a Sgiliau Partneriaeth darparu

	Sgiliau a Phobl Ifanc	Flaenoriaethau ar gyfer y cyfnod nesaf		gwasanaeth gyda Chyngor Gwynedd
GwE – Gwasanaeth Gwella Ysgolion	Cyng. R Meirion Jones Cyfarwddwr Addysg, Sgiliau a Phobl Ifanc	Craffu ar Adroddiad Blyneddol y Consortiwm er mwyn: - Cefnogi GwE i ddatblygu cynlluniau busnes a sicrhau fod cynlluniau'n cymryd anghenion ysgolion lleol i ystyriaeth - Craffu yn well ar drefniadau rheoli perfformiad - Sicrhau bod ystod o strategaethau mewn lle i gefnogi ysgolion i wella	12 Rhagfyr, 2019	Addysg a Sgiliau Disgwyliad cenedlaethol fod awdurdodau lleol yn craffu ar y consortia addysg rhanbarthol
Bwrdd Uchelgais Economaidd Gogledd Cymru Bargen Dwf Gogledd Cymru	Cyng. Llinos Medi Huws Cyfarwyddwr Lle a Llesiant Cymunedol	Sicrhau fod y Bwrdd yn ymgymryd â'i rôl: Fel Partneriaeth Dysgu a Sgiliau ar gyfer Gogledd Cymru. Rhagwelir y bydd gan y Bwrdd gynrychiolydd ar y Cyd Bwyllgor sy'n gweithredu Bid Twf Gogledd Cymru; O greu cyfleoedd cyflogaeth a gwella cysylltedd digidol yng Ngogledd Cymru ac Ynys Môn	I'w gadarnhau	Adfywio Disgwyliad cenedlaethol bod awdurdodau yn craffu ar bartneriaethau rhanbarthol Mae cyngorau Gogledd Cymru wedi ffurfio Bwrdd Twf Gogledd Cymru i gwblhau'r Fargen Dwf a rheoli'r gwaith o'i gyflawni ar ôl dod i gytundeb gyda Llywodraethau'r DU a Chymru. Mae'r corff newydd yn Gyd –Bwyllgor Awdurdodau Lleol gyda chynrychiolwyr o'r prif bartneriaid
Gwasanaeth Cynllunio Argyfwng Rhanbarthol Gogledd Cymru	Pennaeth Gwasanaethau Democrataidd	Cadernid y gwasanaeth rhanbarthol i gynorthwyo'r Cyngor i ddelio gydag argyfyngau o ganlyniad i dywydd drwg, damwain drafndiaeth neu	Chwarter 3 (i'w gadarnhau)	Diogelwch Cymunedol Deddf Argyfyngau Sifil Posib 2004

		ddiwydiannol, llygredd dŵr neu derfysgaeth		
Cynnal	Cyng. R Meirion Jones, Dafydd Roberts, Margaret M Roberts Cyfarwddwr Addysg, Sgiliau a Phobl Ifanc	Craffu ar berfformiad a gwerth am arian	I'w gadarnhau	Addysg a Sgiliau

5.11 Rôl Aelodau ar bartneriaethau allanol: wrth gydnabod rôl bwysig Aelodau Etholedig ar bartneriaethau allanol, dylid nodi y bydd y Pwyllgor Sgriwtini angen sicrwydd gan y Cyngorwyr sy'n cynrychioli'r Cyngor ynglŷn â'r agweddau allweddol canlynol o waith partneriaeth:

- Cyflawni rhaglenni gwaith / canlyniadau a ddymunir
- Trefniadau llywodraethu
- Rheoli cyllideb
- Rheoli risgiau

O ganlyniad, bydd rhaid rhoi trefniadau lleol mewn lle i gefnogi rôl yr Aelodau mewn perthynas â hynny, gan sicrhau fod y Pwyllgor Sgriwtini yn derbyn gwybodaeth amserol.

5.12 Mae'r Cyngor wedi gweithio'n galed yn ystod y flwyddyn ddiwethaf i ddatblygu ein dull lleol o graffu ar bartneriaethau:

- Mae blaen raglen waith y Pwyllgor Sgriwtini wedi aeddfedu, gyda'r pwyllgor yn edrych mewn manylder ar 10 partneriaeth yn ystod 2018/19 (ceir crynodeb yn **Atodiad 1**)
- Cynllun gweithredu lefel uchel (paragraff 5.10 uchod) i alluogi'r Pwyllgor Sgriwtini Partneriaeth ac Adfywio i flaenoriaethu ei flaen raglen waith ar gyfer 2019/20 a thu hwnt
- Datblygwyd rhestr wirio o gwestiynau allweddol ar gyfer Aelodau wrth graffu ar waith partneriaeth (**Atodiad 2**)
- Mae Aelodau Etholedig yn cael eu diweddarau'n rheolaidd am bartneriaethau yn y Sesiynau Briffio misol ar gyfer Aelodau.

Camau Nesaf:

Argymhellir fod ein dull lleol o graffu ar bartneriaethau'n cael ei ddatblygu ymhellach:

- Datblygu ymhellach ein cynllun gweithredu lefel uchel i alluogi'r Pwyllgor Sgriwtini Partneriaeth ac Adfywio i flaenoriaethu ei flaen raglen waith ar gyfer 2020/21 a thu hwnt
- Cynnal sesiwn datblygu aelodau ar graffu'n effeithiol ar bartneriaethau
- Diweddarau Aelodau'n rheolaidd am bartneriaethau allweddol yn y Sesiynau Briffio Aelodau misol
- Datblygu trefniadau lleol i ddwyn i gyfrif yr Aelodau sy'n eistedd ar bartneriaethau allweddol.

6 – Asesiad Effaith ar Gydraddoldeb [cynnwys effeithiau ar yr Iaith Gymraeg]

D/B

7 – Oblygiadau Ariannol

D/B

8 – Atodiadau

1. Partneriaethau a gafodd eu monitro gan y Pwyllgor Sgriwtini Partneriaeth ac Adfywio yn ystod 2018/19
2. Rhestr wirio o gwestiynau allweddol wrth adolygu partneriaethau

9 - Papurau Cefndir (cysylltwch ag awdur yr Adroddiad am unrhyw wybodaeth bellach os gwelwch yn dda):

Anwen Davies, Rheolwr Sgriwtini, Cyngor Sir Ynys Môn, Swyddfeydd y Cyngor, Llangefni.
LL77 7TW

Craffu ar Bartneriaethau: 2018/19

Partneriaeth	Dyddiad	Ffocws Sgriwtini
Adroddiad Blynyddol Cymunedau'n Gyntaf – adroddiad blynyddol	19 Mehefin, 2018	Perfformiad yn ystod 2017/18 ac amlinellad o flaenoriaethau 2018/19
Medrwn Môn	9 Gorffennaf, 2019	Adroddiad blynyddol 2016/17
Bwrdd Partneriaeth Rhanbarthol Gogledd Cymru (Rhan 9: Deddf Gwasanaethau Cymdeithasol a Llesiant 2014)	24 Medi, 2018	Adroddiad blynyddol 2017/18
	5 Chwefror, 2019	Codwyd materion i'w dilyn i fyny gan y Pwyllgor yn ei gyfarfod ar 24/09/18
Partneriaeth Diogelwch Cymunedol Gwynedd ac Ynys Môn	24 Medi, 2018	Adroddiad blynyddol 2017/18 a blaenoriaethau ar gyfer 2018/19
Gwasanaeth Tân ac Achub Gogledd Cymru	15 Hydref, 2018	Gwaith partneriaeth leol ar Ynys Môn
Gwasanaeth Cynllunio Argyfwng Rhanbarthol		Strwythur darparu lleol a pherfformiad ar Ynys Môn
Partneriaeth Anghenion Dysgu Ychwanegol a Chynhwysiad Gwynedd ac Ynys Môn	13 Tachwedd, 2018	Craffu bob 6 mis ar y bartneriaeth darparu gwasanaeth a pherfformiad ar Ynys Môn ¹
Bwrdd Gwasanaethau Cyhoeddus Gwynedd ac Ynys Môn	13 Tachwedd, 2018	Trefniadau llywodraethu'r Bwrdd Gwasanaeth Lleol a strwythur darparu ²
	12 Mawrth, 2019	Cynnydd o ran cyflawni'r Cynllun Llesiant ³
Gwasanaeth Gwella Ysgolion GWE	12 Rhagfyr, 2018	Darparu gwasanaeth a pherfformiad ar Ynys Môn ⁴
Bwrdd Iechyd Prifysgol Betsi Cadwaladr	12 Mawrth, 2019	Gwaith partneriaeth lleol

¹ Mae trefniadau llywodraethu'r bartneriaeth yn nodi y bydd pwyllgorau sgriwtini'r ddau Awdurdod Lleol yn craffu ar y gwaith bob chwe mis

² Disgwyliad a nodir yng nghanllawiau Llywodraeth Cymru "Canllawiau ar gyfer Pwyllgorau Craffu Awdurdodau Lleol ar graffu ar Fyrddau Gwasanaethau Cyhoeddus" (Awst, 2017)

³ Disgwyliad a nodir yng nghanllawiau Llywodraeth Cymru "Canllawiau ar gyfer Pwyllgorau Craffu Awdurdodau Lleol ar graffu ar Fyrddau Gwasanaethau Cyhoeddus" (Awst, 2017)

⁴ Disgwyliad ar lefel genedlaethol bod awdurdodau lleol yn craffu ar y consortiwm addysg rhanbarthol

Cwestiynau ar gyfer Adolygu Partneriaeth

Fel sylfaen i arfer dda, mae'r Awdurdod wedi datblygu set o gwestiynau allweddol i'w gofyn wrth adolygu gwaith partneriaeth:

- ✚ Beth yw enw'r Bartneriaeth?
- ✚ Pam fod angen y Bartneriaeth? Beth yw ei phwrpas?
- ✚ Pwy yw'r prif randdeiliaid?
- ✚ Ar ba lefel mae'n gweithredu – cymunedol, sirol, rhanbarthol, cenedlaethol?
- ✚ Sut mae'r Bartneriaeth yn sicrhau fod gwerth yn cael ei ychwanegu i'r hyn y mae'r Cyngor yn ei wneud? A yw'r gwerth hwnnw'n cael ei ddangos i'r cyhoedd?
- ✚ Pa gyfraniad mae'r Cyngor yn ei wneud o ran amser Aelodau a / neu swyddogion, defnyddio asedau ayb? (nodwch, mewn ffigyrau, beth yw ymrwymiad ariannol / cyllidebol y Cyngor i'r Bartneriaeth)
- ✚ Beth yw'r trefniadau llywodraethiant? Er enghraifft, a oes cylch gorchwyl clir; A yw'r Bartneriaeth yn cael ei hadolygu'n rheolaidd; Pwy sy'n gyfrifol am dasgau gweinyddol y Bartneriaeth?
- ✚ Pa awdurdod / pwerau sydd gan y Bartneriaeth?
- ✚ Sut mae penderfyniadau'n cael eu gwneud a'u cofnodi?
- ✚ Pwy sy'n atebol ac yn gyfrifol am benderfyniadau? Beth yw'r trefniadau ar gyfer craffu ar benderfyniadau (yn fewnol ac yn allanol)?
- ✚ Sut mae perfformiad y Bartneriaeth yn cael ei reoli a'i asesu / werthuso?
- ✚ Sut mae arian yn cael ei reoli?
- ✚ Pa risgiau a chyfrifoldebau y mae Partneriaethau'n eu creu i'r Cyngor a sut maent yn cael eu lliniaru a'u rheoli?
- ✚ Pa drefniadau sydd mewn lle os daw'r Bartneriaeth i ben neu os yw'r Cyngor yn penderfynu tynnu allan?
- ✚ Beth yw prif gyflawniadau'r Bartneriaeth?

AR GYFER PARTNERIAETHAU SY'N GWASANAETHU'R CYHOEDD YN UNIONGYRCHOL

- ✚ Pa drefniadau sydd mewn lle i sicrhau cyfathrebu effeithiol gyda'r cyhoedd?
- ✚ Os bydd pethau'n mynd o chwith neu os yw'r cyhoedd yn gwneud awgrymiadau neu'n cwyno, beth yw'r trefniadau ar gyfer rhoi sylw i'r materion hynny?